



Universitätsbibliothek Paderborn

**Doctor Mellifluus S. Bernardus Magnæ Matris Cultor
Eximus, Et Ex Ordine Sancti Benedicti Sacellanus
Quartus. Sive Ea quæ Doctor mellifluus de laudibus
Virginis Matris scripsit in gratiam magnæ ...**

Bernardus <Claraevallensis>

Nevhvsii, MDCLXXV.

Sermo IV. In Assumptione beatæ Mariae.

urn:nbn:de:hbz:466:1-37156

bus invenit. Ecclesia in omnibus mundi nationibus requiem quæsivit, sed in solis credentibus invenit. Maria sicut & quælibet fidelis anima, in omnibus actionibus suis requiem quæsivit, sed hodiè demùm invenit, cùm post persecutionem Herodis, & fugam Ægypti, post tot insidias & atrocitates Judaicæ impietatis, post tot passiones suas de passione & morte Filij: postquam tot & tam acerbi illius animam pertransierunt gladij, tandem hodiè dicere datum est ei, Psal. 114. *Converte anima in requiem tuam, quam Dominus benefecit tibi.* Qui creavit me, creatus ex me, requievit in tabernaculo corporis mei, negare non poterit mihi requiem cœli sui. Qui enim gratiam ultrò cumulat aljis, pari modo non referet Matri? Perge Maria, perge secura in bonis Filij tui; fiducialiter age tanquam Regina, Mater Regis & sponsa. Requiem quærebas, sed amplioris gloriae est, quod tibi debetur, regnum & potestas: Indivisum habere tecum cupit imperium, cui tecum in carne una, & uno spiritu indivisum fuit pietatis & unitatis mysterium: dum scilicet salvo honore naturæ, geminato munere gratiæ, juncta est Mater in matrimonium. Requiesce igitur, ô felix, inter brachia Sponsi, replicabit tibi (ni fallor) inter amplexus & oscula, quām suaviter requieverit in tabernaculo corporis tui, quām suavis in cubiculo cordis tui. Non est injustus Deus, ô Fratres, ut obliviscatur operis boni, vivit semper apud eum memoria beneficij semel accepti. Beatus apud quem Deus vel semel requiem invenerit, in cuius tabernaculo vel horâ unâ requieverit.

S E R M O IV.

In Assumptione beatæ MARIAE.

Maria optimam partem elegit.

HOC de Maria sorore Marthæ scriptum est: sed in Maria matre Domini hodiè pleniùs & sanctius impletum est. Ho-

Dd 2

diè

diè namque beata Virgo Maria optimam partem elegit, immo quam dudum elegerat, hodiè perpetuo possidendam accepit: ut scilicet inseparabiliter adhæreat Domino, perenniterque fruatur Dei verbo. Nec aljenum, aut incongruum, si quod de illa Maria dictum est, in istam transfumatur: cùm ad convenientiam transformationis, similitudo non solum nominis, sed & jam operis suffragetur. Illa siquidem Dominum hospitio tenui, hæc thalamo suscepit uteri. *Et qui creavit me, inquit Eccli. 24. requievit in tabernaculo meo.* Illa sedens secus pedes Domini audiebat verbum illius, *Luc. 10.* hæc sedula circa curam humanitatis ejus, conservabat omnia verba quæ de illo erant, conservens in corde suo, *Luc. 2.* sed & cùm evangelizans circumiret Iesus civitates & castella, Maria comes individua vestigis ejus adhærebat, pendebatque ex ore docentis: adeò, ut nec procella persecutionis, nechorrore supplicij à consecrato Filij & Magistri potuerit absterreri. *Stabat, inquit Ioan. 19. juxta crucem Iesu, Maria mater ejus.* Planè mater, quæ nec in terrore mortis Filium deserebat. *Quomodo enim morte terreri poterat, cuius charitas fortis ut mors, immo fortior quam mors erat?* Planè juxta crucem Iesu stabat, cuius mentem dolor crucis simul crucifigebat, suamque ipsius animam tam multiplex pertransibat gladius, quantis confossum corpus Filij cernebat vulneribus. Merito igitur ibi mater agnita est, & cura ipsius, idoneo tutori delegata est, *Ioan. 19.* ubi maximè probata est, & Matri ad Filium sincera charitas, & filij de matre vera humanitas. Nam aliàs velut dissimulasse visus est: sive cùm in nuptijs flagitanti miraculum ait *Ioan. 2.* *Quid mihi & tibi mulier, sive cùm in medijs sermonibus Evangelij dicenti cuidam, *Matth. 12.* Ecce mater tua & fratres tui foris stant querentes te: que est, inquit, mater mea?* Sed & matre cùm miraculum posceret, sic respondendum erat, ut aliundè quam à matre se miracula habere significaret: & illi qui

qui sermonem Evangelij parentes annuntiando interrumpebat, melius respondere non poterat, ut videlicet spiritualia carnalibus preferenda monstraret. Ac si more suo diceret parentibus, occupatum in negotio Evangelij querentibus, Luc. 2.
Quid est, quod me queritis? Nescitis, quia in his quae patris mei sunt oportet me esse?

Absit enim ut matrem aspernatus sit; qui tantâ curâ de parentibus honorandis legem dedit. Absit inquam, ut in terra fastidierit matrem: cuius è cœlo concupivit decorum, imò potius ordinabat in nobis charitatem, tam verbis quam exemplis nobiscum agens, ut carnalium affectibus necessitudinum, non solum Dei præponamus dilectionem: sed etiam eorum qui Dei faciunt voluntatem. Ille siquidem affectus de cordibus exigit omnium nostrum, quos summi Patris adoptavit dignatio: quo fideliter dicamus cum ipsius Unigenito, Matth. 12. *Qui cunque fecerit voluntatem Patris mei qui in cœlis est, ipse meus frater, & soror, & mater est.* Propterea filiis Dei competit vox ista, nec ullum fideliūs testimonium reddit ipse spiritus spiritui nostro quod simus filii Dei: quam ut sonet de cordibus nostris hæc vox Unigeniti Dei. Itaque Mariam quæ secundum carnem mater erat, aliâ quoque ratione matrem sibi Iesus probat: quandoquidem, & ipsa voluntatem Patris in tantum faciebat, ut de ipsa prædiceret Pater, Esa. 62. *Vobaberis voluntas mea in ea.* Igitur ubi eam visus est ignorasse Filius, ibi amplius honorasse invenitur: dum ei scilicet materni nominis honor duplicatur, pro eo quod eundem filium, quem alvo gestaverat incarnatum, etiam nunc animo gestabat inspiratum.

Cæterum cum dilexisset eam Iesus, in finem dilexit eam, ut non solum propter ipsam finem vivendi, verum & in ipsam finem penè faceret loquendi: dum velut inter ultima verba testamenti curam matris, cuius debitorem se cognoscebat, cha-

rissimo transcribit hæredi. Sic quippe inter Petrum qui plus diligebat, & Ioannem qui plus diligebat, hæreditatem suam Christus divisit: ut Petrus sortiretur Ecclesiam, Ioannes Mariam. Huic planè competit hæc portio non solum jure propinquitatis, sed etiam amoris privilegio, testimonioque pudoris. Decebat namque ut non nisi Virgo Virginis deserviret, quatenus & Virgo beata divino languens præ amore, floribus fulcitur castitatis: & Virginitas adolescentis id interim perciperet remunerationis, ut de contubernio proficeret tantæ sanctitatis. Qui etiam, quia fidelis probatus est in obsequio incorruptæ matris: mysteria quoque divinitatis, & arcana verbi incorruptibilis sibi credi promeruit. Decebat, inquam, ut matri Domini non alius obsequeretur quam Dilectus Filij, quatenus & mater semper suspirans Filium in Dilectum Filij suavius respiraret: & Discipulus Magistrum sibi conquerens nimis citè subtractum, magistram totius veritatis se reperiisse gauderet. Idque satis commodè provisum, ut scripturus Evangelium familiariùs de singulis conferret cum ea, quæ conscientia erat omnium: quippe quæ ab initio omnia Filij sui diligentius observaverat, conservans omnia verba, quæ de illo erant, conferens in corde suo Luc. 10. Sic nempè se Martham exhibuit in cura pueri nutriendi: ut nihilominus Mariæ partes executa credatur, in studio verbi cognoscendi.

Maximè tamen postquam idem Filius ascendit ubi erat prius, mater absoluta omni sollicitudine temporali, sanctoque Spiritu (quem præter singulares illas conceptus sui primitias communiter cum Apostolis acceperat) pleniùs illuminata: gaudebat nimirum vacare & videre quoniam Iesus est Deus. Visio prorsus ineffabilis gaudij, summæque delectationis omnibus qui diligunt Iesum: sed præ omnibus illi quæ genuit Iesum. Cui sicut singulariter excepta est gratia Deum generandi: sic &

præro-

prærogativa gloriandi in eo quem genuit. Omnino singularis atque incomparabilis gloria Virginis matri videre Deum Regem omnium in diademe carnis, quâ coronavit eum, ut & Deum agnoscat & adoret in corpore proprio, & corpus proprium glorificatum videat in Deo. His interim, ut opinor contemplationibus pascebatur Maria, hanc optimam partem elegerat: quæ non ablata, sed perfecta est hodiè in ea. Quia enim negligens aut segnis non existit in opere Marthæ, nequaquam vacua derelicta est à fructu Mariæ. Labor in actione, fructus seu merces in contemplatione. *Propterea, inquit Esa. 53. quod laboravit anima ejus, videbit, & saturabitur.*

Vobis hæc dicimus Fratres, ut si quis desiderio tangitur ilius optimæ partis, quæ in Maria laudatur, sciat quia hæc præmium est illius, quæ in Martha non improbat: nec æquum est ut præmium ante meritum requiratur. Iacob priùs oportet jungi Liæ quām fruatur amplexibus Rachel, Gen. 29. sed & ipsum priùs vocari & esse Iacob, quām Israël. *ReEtorem, inquit Eccli. 32. te posuerunt, curam illorum habe, & sic considera, & omni curâ tuâ explicita recumbe, ut lateris propter illos: & ornamentum gratie accipias coronam.* Labor siquidem operis, seu sollicitudo administrationis, semina sunt justitiæ: pro quibus gaudia metenda sunt ex ore consolantis misericordiæ. Sic enim ait Propheta, Oſc. 10. *Seminare vobis in justitia, metite in ore misericordie.* At enim 2. Cor. 9. *Qui parc seminat, parcet & metet. Et qui seminat in benedictione, de benedictionibus & metet.* Nullus sanè tam profusa benedictione seminavit: sicut illa benedicta in mulieribus, quæ benedictum semen de ventre profudit. Sed semendicam an fructum? melius utrumque. Qui enim semen est operantibus justitiam; fructus erit metentibus gloriam. Semen in passione: fructus in resurrectione. *Potens in terra semen istud, Psal. 111. quod cadens in terram mox excitavit potentiam suam, ut multum fructum*

fructum afferret: & in semine illo benedicerentur omnes gentes. Unde & ibi sequitur. *Generatio eorum benedicetur.*

De benedictionibus suis itaque Maria metat: & quæ benedictionem omnium gentium seminavit, benedictionem omnium gentium singulariter accipiat. *Beatum me dicent*, inquit *Luc. I. omnes generationes*. Parum est hoc. *Beatam te dicent omnes beatorum spirituum ordines*. *Viderunt hodiè ascendentem filie Sion cœlestis, & beatam dixerunt, & regina laudaverunt eam*, *Cant. 6*. Prorsus de benedictionibus suis Maria metit, quia refusa est spiritualiter in eam omnimoda benedictio illa, quam defe profudit. Date ei, inquit Spiritus sanctus, de fructu ventris sui: & saturetur illo quem genuit. O Mater misericordiae saturare gloriâ Filij tui: & dimitte reliquias tuas parvulis tuis. Tu jam ad mensam Domina, nos sub mensa catelli. Sicut oculi ancillæ in manibus Dominae suæ, ita familia hæc famelica de te præstolatur alimoniam vitæ. Per te fructum vitæ communica-vimus in mensa præsentium sacramentorum, per te eundem fructum vitæ communicemus in mensa perennium gaudiorum, Iesum benedictum fructum ventris tui: cui est honor & gloria, per omnia secula seculorum. Amen.

S E R M O I.

In Nativitate sanctæ MARIÆ.

Ego quasi vitis fructificavi suavitatem odoris.

Natalem beatissimæ Virginis matris celebramus, de qua vita omnium accepit natalem. Nata est hodiè virgo, de qua salus omnium voluit nasci: ut natis ad mortem, daret ad vitam posse renasci. Nata est hodiè Mater nova, quæ primæ matris maledictionem dissolvit: ut per istam benedictionem hæreditate possideant, qui per illam sub prejudicio maledicti æterni fuerant nati. Prorsus nova mater quæ novitatem attulit filiis inveteratis, vitiumque sanavit, tam ingenitæ quam superadditæ

vetu-